

**Corpus Juris Canonici, Per Regulas Naturali Ordine
Digestas, Usuque Temperatas, Ex Eodem Jure, Et
Conciliis, Patribus, Atque Aliunde Desumptas, Expositi**

Opus, Tum In Rebus Obscuris Claritate, Tum Dispersis Collectione ac
delectu, in contrariis conciliatione, eximium, simulque Indicibus ac
Præfationibus, Notisque quamplurimis & exquisitis illustratum, ; In Tres
Tomos divisum

Complectens Prolegomena Ad Jus Canonicum In Se Et Universim
Consideratum

Gibert, Jean-Pierre

Coloniæ Allobrogum, 1735

Sectio VI. Observationes in Glossas.

[urn:nbn:de:hbz:466:1-74413](https://nbn-resolving.de/urn:nbn:de:hbz:466:1-74413)

tifici sit subjecta; unde sequitur Infideles quoslibet ei subjectos esse, cum naturam humanam cum Fidelibus communem habeant.

Quoniam eo tempore, quo prodit hæc Constitutio, nemo in Occidentis partibus, ad quas condita est, in Spiritualibus se Pontifici subjectum non agnoscet, verum subiectio, quoad Temporalia, dilectabatur, merito creditur, hanc Definitionem non solum de subiectione in Spiritualibus loqui, sed etiam de subiectione quoad Temporalia; quod confirmatur ex historia temporis illius, in qua discimus, eam factam fuisse adversus PHILIPPUM PULCHRUM Francorum Regem, qui Pontificis autoritatem in Rebus Temporalibus denegabat. Idem colligitur ex Principiis à Pontifice suppositis. Primum est, Ecclesiari duos gladios habere, Temporalem, & Spiritualem; huic ille subordinatus est, & pro Ecclesiâ stringendus est, ad nutum Pontificium.

Aliud Principium est, Spiritualis Potestatis Officium esse, ut terrenam Potestatem instituat, eamque in administratione regat, prout opus est. Alibi jam vidimus quodnam de his Principiis iudicium ferendum sit, necnon de applicatione, que ad Pontificiam in Temporalibus Autoritatem fit, hujus loci *Quodcumque ligaveris &c. ad PETRUM directi, atque hujus apud JEREMIAM, Ecce constitui te super Gentes & Regna. Inutilis eset prolixior tractatio.*

TIT. de Privilegi. ibid. C. 2.

CLEMENS V. hic significat, Pontificem cum Natione aliquā dispensare posse à Definitione Doctrinali, quæ vigeat quod cæteras; Rogatus enim à PHILIPP. PULCHRO, ut prafatam Constitutionem *Unam Sanctam*, revocaret, BONIFACIIQUE VIII. honorem integrum illæsumque servare cupiens, REGI, atque ipsius Subditis, pro meritis eorum, hoc Privilegium indulget, ut prædicta Constitutio, quod ipsos ut non facia reputetur. Hæc dispositio valde singularis est; vel enim CLEMENS V. putavit, Decessorem suum erravisse in sua Decisione, quo in casu eam omnino revocare debuit; vel putavit eam esse veritati consonam, quo in casu Gallos liberare non potuit ab obligatione illi obsequendi.

Extravag. JOANNIS XXII. Tit. de verb. signif. C. 3.

Definit hic JOANNES contrâ quam NICHOLAS III. Cap. 3. Tit. eod. definiterat in 6. Unde, cum agatur de Doctrinâ, alteruter erravit. Et hæc sunt vitia, seu errores, qui in Collectionibus GREGORII IX. BONIFACII VIII. CLEMENTIS V. & in Extravagantibus annotari possunt. Plerique à Gratiano ducunt originem, ceteri leviores aut pauciores sunt, quam qui apud Gratianum.

SECTIO V.

Similitudines insigniores Collectionis GRATIANI cum Collectionibus Posterioribus.

Collectio GRATIANI cum Posterioribus congruit, præsertim quod Fontes, unde Canones defuneri sunt, qui idem sunt: scilicet Scriptura, Concilia, sive Generalia, sive Particularia, Decreta Pontificum, Sententiae Patrum, aliorumque Scriptorum Ecclesiasticorum, Legesque Civiles. Quoad has Leges, ea apud Gratianum frequenter adhibentur, ut Textus, atque in Textibus laudantur: hoc in ceteris Collectionibus rarissimum est, ut patet ex *Tertio Indice DECRETI*; qui Autores in Decreto laudatos continet, collato cum *Tertio Indice* ceterarum Collectionum, cuius materia simili est, in verbo, *Legis*, & in verbo, *Justinianus*. Ducenta aut Trecenta circiter Leges apud Gratianum referuntur, aut laudantur; Quintus vero aut Sextus nominatim in ceteris Collectionibus laudantur. Reliquarum Legum, qua generatim, sub verbis Juris, aut Legis Civilis, laudantur, numerus lon-

Tom. I.

gè minor est in his Collectionibus quam apud Gratianum.

Altera similitudo insignior ex eo nascitur, quod Acta integra non dantur, sed simplicia Excerpta, absque Data, aliave nota, quæ Tempus, quo condita sunt, indicet; unde fit, ut sibi ignoretur, quinam Textus anteriores, aut posteriores sint, & quinam sint antepontendi, si forte sibi invicem repugnant. Huic vicio remedium provisum est in Editione, quæ Notas DD. PITHOV continet, notato, in fine inscriptionis singulorum Textuum, tempore, quo conditi sunt. In codem genere similes sunt Collectiones, quatenus ordo Temporum non servatus est inter Textus in singula Argumenta relatos, quod pariter Leges Posteriorum cum Anterioribus confundit, Disciplinamque veteriorem cum minus veteri. Praefata Nota Chronologica pravis hujus defectibus effectibus occurrit; manet tamen eadem ordinis perturbatio. In hoc Gratiani DECRETO congruit GREGORIANA Collectione, quod hæc ex omnibus Collectionibus Decretalium præcedentibus coalescat, ad instar Codicis JUSTINIANI, qui ex tribus Codicibus anterioribus conflatus est: similiter Gratianus in suam Compilationem contulit Canones, ab omnibus Collectoribus præcedentibus quæsitos, scilicet ex CANONIBUS APOST. ex Codice DIONYSI EXIGUI, & Collectionibus MARTINI, Braccaren- sis, THEODORI Cantuariensis, Pseudo-ISIDORI, Capitularium Regum Francie, REGINONI, BURCHARDI Wormacensis Episcopi, IVONIS Carnotensis Episcopi. Sicut autem Collectione Gregoriana facta non sunt inutiles alias Decretalium Collectiones, sic, & post Gratiani Collectionem, opus habemus Collectionibus Canonum ipsi anterioribus. Hæc Propositio circa DECRETUM Gratiani infra probabitur, in Collatione ejusdem cum Collectionibus Anterioribus, sive Orientalibus, sive Occidentalibus.

Quoad cæteras similitudines, observare sufficiet, eas Collectiones Jus Communie continere, easque ideò in Scholis exponi, atque in Judiciis ad litium Decisionem adhiberi; unde etiam fit, ut singula suis Glossis instructe sint, quibus Argumenta inter se connectuntur, conciliantur oppositiones, exponunturque obscuriores loci. Hæc Glossæ Autores habent insigniores Juris Interpretates Sæculorum XIII. XIV. & XV. simulque junctæ fuerunt in unam Compaginem, quæ dicitur GLOSSA, cui Notæ marginales adjectæ sunt. Unum ex majoribus condicis, qui ex eâ colligi possunt, est facilitas inveniendi laudationis Textuum, qui relationem aliquam habent cum proposito Textu. Id manifestum fit ex Observationibus mox facientis in omnia, quæ ad Glossam pertinent, præmissâ monitione, quod, licet Rubricæ Observations & Conciliations Gratiani Canonis vires non obtineant; Glossam tamen suam habent, perinde ac Canones; qui honor ex autoritate ejus Scriptoris apud Canonistas natus est.

SECTIO VI.

Observationes in Glossas.

Quamvis Glossa vim Canonis nihilominus obtinet, quam id, quod Gratianus ex seipso, sive in fronte, sive ad calcem Canonum à se collectorum, adjectit, ejusque Glossæ autoritas etiam apud Autores suos studiosissimos, Gratiani existimatione cedar; de ipsa tamen in PROLEGOMENIS loquendu[m] esse duximus, quoniam ad Jus generatim spectatum in iis expostum proprius accedit. Ejus fit mentio in Additionibus nostris ad confirmandas aut illustrandas REGULAS nostras appositis; Autoreisque in eundem finem à nobis laudati eâ sepius utuntur, ad stabilienda loca, quæ ab eis acservimus. Præterea, quedam differentia, & quedam similitudines occurrit inter Glossam DECRETI, & Glossam Collectionum Posteriorum, quæ observatione dignæ sunt. Haec rationes aliaeque similes quasdam Notas in Glossam postulare vix sunt; nosque

Y 2

ad

ad subiectandas OBSERVATIONES sequentes induxerunt, quarum triplex est *Caput*, Antiquitas, Autoritas, Ususque rectus Glosarum.

Si de Canonicis Juris generatim spectati interpretationibus hic ageretur, Glossatorum Occidentalium agminis Ivo Carnotensis & Gratianus antesignani fieri possent. Prior, propter Collectionis sua *Prefationem*, in qua Regulas excellentes proponit, ad interpretationem Legum, tum Canonistarum, five Ecclesiastiarum, tum Civilium, five Sæcularium, 1. Omnes Leges ad Charitatem referenda sunt, que finis est omnis Praecepti. 2. Preter Praecepta & Prohibitiones, sunt Monitiones, Exhortationes, Consilia, Permissiones, quarum nulla obligationem, ante ipsarum electionem imponeant, sed statim atque suscepimus fuerint, ligant: sine delicto potest quis iis se non subiectare, verum non sine delicto violatur obligatio, quam sibi quis cum earum iugo imposuit. Sunt præterea Mercedes & Peccata. Illa non eos solos manent, qui Consilia amplectuntur, sed eos, qui Leges præceptivas, aut prohibitives, fideler custodiunt. Peccata in eos cadunt, qui Præcepta Legis negligunt, & prohibitiones contemnunt, nec non in eos, qui spontaneis obligacionibus desunt. 3. Quædam Leges sunt immutabiles & consequenter indispenſabiles. Tales sunt Leges Decalogi, quarum ea, quæ Dei amorem immediate spectant, Majora Præcepta vocantur, ceteræ vero quæ ad Proximorum charitatem immediate attinent, Minora nuncupantur, non quod ratione sui, exigua sint; sed quia prioribus minus insignia sunt. Aliæ Leges mutabiles aut mutationi obnoxiae sunt: Tales sunt omnes Humanæ Leges, quæ pro variâ Reipublicæ tum Sacrae, tum Sæcularis, necessitate conduntur: hæc autem necessitas ex variis Temporum, Locorum & Personarum circumstantiis nascitur, unde mira est harum Legum variatio. Tales sunt nominatim Leges meritorum Disciplinæ.

4. Ducas habet Ecclesia rationes, five modos, gubernandi Subditos, rigorem & mansuetudinem: hæc necessaria est, quoties prior Schismatis periculum inducit; id autem accidit, cum Persona severius coercendæ coherentem sibi firmiter multitudinem habent, ita, ut illa propter hoc vinculum unitatem dirimere, si erga Duces ejus severitas adhiberetur. Autor has Regulas probat, exponitque exemplis à Scripturis aut Canonibus aut SS. Patribus desumptis. Hæc Quatuor Regula multum ad Interpretationem Canonum inferunt, usurpataque sunt à Gratiano in Conciliationibus Canonum, quos oppositos putavit; ejusmodi enim compositiones sunt Interpretationes ab aliquâ prædictarum Regularum quæstæ: merito itaque Gratianus & Ivo Glossatoribus annumerari possent, eò maximè, quodâ datum ab illis exemplum hi in Interpretatione Canonum secuti fuerint. STEPHANUS Tornacensis in *Prefatione* sui Commentarii in *Decretum Gratiani*, has exponit Regulas, & sic se illis usursum esse significat in suis Interpretationibus.

Sed cum hic de origine *Glossarum Juris* agamus, qua valde illorum Scriptorum operibus sunt posteriores, satis erit hic observasse, methodum interpretandi, quæ usæ sunt, ab eis non fuisse exocgitatum, sed eas illorum Autorum exemplum secutas fuisse.

Etiam de causa tacebimus hic de *Glossa* BERNARDI Parmensis in primam Veterum Collectionum, quam ipse compilaverat; cum enim ejus Collectio Corpori Juris inserta non fuerat, ad institutum nostrum non pertinet ejus *Glossa*, quamvis eamdem naturam habeat ac illæ, quas discussimus.

Vetusiores Glossatores Collectionum Corpori Juris insertarum Sæculo XIII. floruerunt, Recentiores *Decimo quinto*. Quidam ex iis Glossas in plures Collectiones elucubraverunt; Archidiaconus (GUIDO BAIUS) in *Gratianum & Gregorium IX.* scriptis, JOANNES ANDREAS Sexto & *Clementinis* operam dedit. Juxta S. ANTONINUM Dominicanum & Archiepiscopum Florentinum, primas inter Glossatores *Decreti* sibi

vindicat, HUGUTIO five HUGO Vercellensis. Secundas tollit JOANNES SEMECA Natione Germanus; 3. succedit loco BARTOLOMÆUS Brixiensis, qui in *Glossas* JOANNIS SEMECA operam contulit, eum, ubi erraverat, emendando, ejus omissiones supplendo, denique Mutationes in Jure post ejus *Glossam* factas observando. JOANNES SEMECA inter hujus nominis Scriptores, qui *Decretem* interpretati sunt, celeberrimus est, unde fit, ut nudo *Joannis* nomine Notis ejus adjecto distinguitur.

Sic v. g. distinguitur à JOANNE DEFANT, cuius Nota semper clauduntur his verbis *Joan. Defant: Glossæ Joannis* sunt duplices generis: aliae ab ipso profectæ sunt, ceteras collegit & ordinavit. Quod hic Joannes præstitit erga *Glossas Decreti*, BERNARDUS Parmensis fecit erga *Glossas Decretalium Collectionis* GREGORII IX. omniisque distinctione inter suas & ceteras, utræque ipsi tributa fuerunt. Quoad ceteras *Glossas*, quarum Autores nuncupantur ex BERNARDO Parmensi, sunt posteriores. Tales sunt *Glossa* Archidiaconi, JOANNIS ANDREÆ, JOANNIS Monachi, qua Sæculo XIV. prodierunt & Panormitanus, five ABBATIS Siculi, qua Sæculo sequenti editæ sunt. Hic eo nomine designatur, ut ab alio Abbe Juris Interpretæ ipsique anteriore distinguitur. His Glossatoribus adjiciendi sunt ZABARELLA, ZENZELINIS, JOANNES ab Imola, qui in Clementinas & Extravagantes *Glossas* confecerunt. Zabarella sapius laudatur sub nudo *Cardinalis* nomine. Hæc omnia desumpta sunt ex *Prænot. Canonice Lib. V. Cap. III. & sequent.*

Vero simillimum est, *Glossas* in veteres Collectiones factas translatas fuisse vel integras, vel ex parte, conceptis verbis, vel quoad substantiam, connexasque Collectioni GREGORII IX. Id colligi potest ex existimatione eorum, qui earum Autores sunt, nec non ex eo, quod Notis accedit in Quartam Collectionem factis, ad calcem ejus Collectionis ab ANTONIO AUGUSTINO relatis; hinc enim confat, has Notas in eadem *Glossa* aliquatenus reperi, quod nobis persuasit earum Collatio cum *Glossis* ejus Pontificis Collectioni adjectis. Aliundè nulla potior causa postulabat, ut hæ Note conservarentur, quam ex, quæ factæ fuerant in Collectiones anteriores, & quæ *Glossarum* formam pariter habebant, factæ scilicet in quædam verba expositione indigentia, cum ipsis minimè essent inferiores, si de iis judicare fas sit ex earum Autorum præstantiâ, eorum fit mentio honorifica. *Cap. 3. & 4. laudatarum Prænotionum*, nec non in Notis in Collectionem IV. Plures Autoris nomina destituntur; multæ ejusdem generis in GREGORIANA Collectione reperiuntur. Inter notas Quartæ veterum Collectionum solis JOANNIS SEMECA Notis Autoris nomen subiectur, utræque à Legibus Civilibus aut Canonibus apud *Gratianum* relatis, aut Capitalibus in Collectionibus Decretalium anterioribus contentis desumuntur; unde appetat quanti facta fuerint illæ Collationes inter Decretum ac Jus Civile.

GRATTIANUS codem, quo hodie modo in eis laudatur, *Pars Prima*, his verbis, *Dist. I. II. &c. & primo Canonis verbo; Secunda, his causa. quæst. Can. Tractatus de Peccantia laudatur his; Dist. II. Can. 4. aut 5. vel primo ejus verbo; Tertia pars designatur his verbis. Dist. cuius numerus additur, & *Canone*, cuius numerus subiectur, aut primum verbum. Unde patet divisionem vulgarem *Decreti* esse antiquam; vixit enim JOANNES SEMECA Sæculo XIII. mortuusque est an. 1269. cum CLEMENTE IV. à quo excommunicatus fuerat; quoniam à Decimis, ab illo Pontifice in Clerum Germanicum & Gallicum impositis, appellaverat ad Concilium Generale *Cap. 3. laudato Prænot. Canonice n. 6. 7. & Florent. part. I. p. 49.**

Eodem quoque modo laudabantur Collectiones veteres, quo hodie laudantur, nisi quod LIBER vocabatur unaquaque Collectione, dicebaturque *Libro I. 2. vel 3. &c.* Quantumvis similes sint hæ Notæ *Glossis* Collectionum Corporis Juris, intercedunt tamen

ramen differentia insignes in Glossis; 1. Enim Tituli invicem connectuntur, ut eorum ordo comprobetur; 2. Indicantur loci Gratiani Titulo respondentes; 3. Singuli Textus in Partes suas dividuntur, earumque initium designatur. 4. Species sub nomine *Casus* proponitur, sicut factum à Gratiano in Secunda Parte *Decreti* in CAUSAS XXXVI. divisa, quarum unaquaque nomen à proposito Casu accepit, sed GLOSSÆ *Casus* à GRATIANI *Casibus* in eo differunt, quod hi fictiti sint; illi autem veri sint plerisque, & ex narratione *Decretalis* deducti. 5. Glossæ aliquando *Summas* habent; sed hæc omnia locum non habent in Notis Quatuor Collectionum veterum.

Occasione accepta à Collatione *Glossarum* cum Notis Quarta Collectionis, miscuimus ea, que de illarum usu dicenda erant, cum iis, que de illarum origine, Autoribus, atque actate proponenda duximus: superest, ut de illarum Autoritate agamus, quam nos cere necessarium est, quoniam crebro laudantur à Canonistis, tunc Veteribus, tunc Recentioribus. Verum præmonendi sunt Lectores esse in 6. Constitutionem, que glossari prohibetur sub poenâ Excommunicationis ipso facto incurrandæ & Sedi Apostolice reservata, nempe Cap. 3. de verborum signif. Hujus Autor est NICOLAUS III. in quo de Regula Beati FRANCISCI Interpretatione agitur; metuebat enim Pontifex, ne *Glossarum* varietas novas turbas pareret.

JOANNES XXII. agnoscens, hanc prohibitionem esse periculosam, eam suspendit, donec aliter Sedi sua videretur. Denique observandum est PIUM IV. & PIUM V. juxta NICOLAI III. exemplum, sub eadem poenâ vetuisse, ne Decreta Concilii TRIDENTINI glossarentur: & FAGNANUM in Cap. Cum venisset, de Judiciis, fusi exponere hoc interdictum sex Conclussionibus. 1. Contendit neminem alium, quam Pontificem, illa Decreta interpretari posse, per formam Legis Universalis. 2. Pontificem hanc facultatem committere posse, & de facto commississe, per Institutionem Congregationis Cardinalium, ad Interpretationem Tridentini; 3. Episcopos non posse interpretari hæc Decreta neque in Conciliis Provincialibus, neque in Synodus Dicefanis, neque extra hæc Comitia, in modum Legis, ad suum Districtum directæ, neque Judices in suis Judicis, in modum Statuti. 4. Doctores neque *Glossas*, neque *Commentarios*, neque *Notas* in illa Decreta facere posse, ita, ut si illud attenterint, Excommunicatione incurvant, quamvis eorum interpretatio sit tantummodo Magistralis & probabilis, non vero autoritativa & necessaria, id est imponens necessitatem, aut obligationem illam suscipiendo. 5. Afferit, Doctores & Judices illa Decreta interpretari posse, ratione aliquius difficultatis solvenda, & litis dirimenda; quam interpretationem vocat indirectam & incidentem, qua non cadit principaliter in Decreta, sed in difficultatem aut item, qua ipsi occasionem præbuit. 6. Has Bullas non interdicere Interpretationem Litteralem aut Grammaticalem ad Decretorum intellectum necessariam, qualis est ea, quam Magistri, Doctores, & Antecefiores faciunt in Scholis, Collegiis, & Universitatibus, Pastores in suis Concionibus, Episcopi in Catechismis & Ritualibus eorum iusti editis, nec consequenter prohiberi Versiones in alias Linguis, unde hæc Decreta versa sunt in Græcum, Arabicum, Chaldaicum, &c. idioma, non solum impunè, verum etiam cum publica approbatione. Has Conclusiones discutiendi non est hic locus. Id fieri in REGULIS circa Concilia, ubi necessarium erit agere de autoritate Episcoporum in Conciliis tunc Generalibus tunc Particularibus & consequenter de jure communī ad illa interpretanda: jus enim interpretandi Leges est consecutio juris Leges ferendi. Hic sufficiet monere, Diplomata prædicta non obligare in Locis, in quibus nec promulgata, nec recepta sunt, cum potioris conditionis non sint, quam Decreta Tridentini, de qui-

Tom. I.

bus loquuntur, & quæ vim Legis non obtinent, nisi ubi promulgata, receptaque sunt. Transeamus ad Glossæ Autoritatem. Illud confitare debet, eam esse Magistralē duntaxat, nec maiorem esse posse quam ea, quæ fructus GRATIANUS, Magister, in signum excellentia, vocatus in re Canonicā, maximè si agatur de *Glossa*, quæ circa ejus Interpretationem facta est, ideo necessarium videtur illius Scriptoris autoritatem expiri, eo quod dicit FAGNANUS in Cap. ne innitaris, n. 152. Glossæ autoritatem cæteras vincere, quantum ad opiniones; & quidem cum observatum fuerit Gratianum omnium Glossatorum Duxem dici posse, inde patet, ipsum omnibus Glossis veritatem esse. Hic autem Fagnanus Glossæ autoritatem ex ejus antiquitate probat; nam de Autoribus Antiquis loquitur, quos Recentioribus anteponit, ratione ponderis ab approbatione plurimorum Seculorum recepti, in quo subintelligenda est Clausula ceteris paribus; nam si momenta rationum à Recentioribus in confirmationem sua Sententiae adductarum, fortiora sunt iis, que à Veteribus afferentur, ad probandam opinionem suam, proculdubio hoc in casu Veteribus anteponendi sunt Recentiores.

Ut intelligantur quæ duximus de autoritate Magistrali, qualem afferimus esse autoritatem *Glossa*, observandum est, autoritatem Doctorum èr eorum præstantiā pendere, quæ major aut minor est, pro majoribus aut minoribus eorum scientia, seu eruditio, discretione, seu perspicacitate, & aequitate. Haec virtutes necessariò concurrere debent, ad constitendum Virum Sapientem, quoad Decisiones questionum Juris. De Decisionibus eorum, in quibus haec dotes ex publico consenuit eluent, dici potest ac debet, eas esse Responsa Prudentum. Cum igitur præminentia veteribus Canonibus super recentiores tribuitur, id intelligendum est de conditis ab iis, qui in Seculo suo Sapientibus & Prudentibus Viris anumerati sunt, ob tres virtutes prædictas, & qui famam hanc in Seculo sequentibus servaverunt. Supponendum tamen est, hæc Secula Scientiæ laude fuisse commendata, alias merito diffideretur judicio ab iis Seculis lato, quo in casu Scriptis illorum Autorum non standum esset, nec eorum præstantia ex antiquitate extimanda foret, alias errandi periculum subiretur; forte enim illorum opiniones non nisi suppositiis Actis innixa sunt, quorum falsitas tunc latet, que stupendas mutationes in gratiam Pontificis & præjudicium Episcoporum invexit, & in materia Sacramentorum maximè Peccnitiam atque Ordinis. Ea mutationes observatae sunt in REGULIS circa Causas Majores, & in REGULIS circa Sacra menta. Unde fit, ut multæ opiniones *Glossa* in utrumque Caput repudiatae fuerint in temporibus periti oribus, nostroque in Seculo *Glossa* exiguum famam habeat, quod presumi debet ex Editionibus Corporis Juris sine *Glossa*, quarum magnus est numerus; credibile enim hinc fit *Glossam* ita necessariam aut utiliem non esse; quin negligi possit, eorum saltem judicio, qui illas venum proponunt vel emunt, inde nato, quod *Glossa* GRATIANI, nec non Collectionum subsequentium, errores aliave menda contineat. Ut ut sit de hæc Sententiâ, ea non destruit quæ superioris duximus de commidis, quæ *Glossa* suppedite potest; sed ostendit duntaxat, apud multos parvi ipsam fieri, quoniam eæ non indigent, in quo *Glossa* Juris Canonici, cum *Glossa* Juris Civilis congruit, quod sine *Glossa* ex multo jam tempore ceditur.

Quod supra de origine *Glossæ* in Collectionem GREGORII IX. diximus, ab ANTONIO AUGUSTINO confirmatur, qui afferit, *Glossas* veterum Collectionum in GREGORIANAM commisit. Earum Autores sunt VINCENTIUS Hispanus, ALANUS, LAURENTIUS, TANREDUS, JOANNES, JACOBUS RODERICUS: Id infertur ex eo, quod postquam dixisset, se illas *Glossas* edere velle, adjicit, & si qui alii sunt,

V 3

qui,

qui, si velint Sacramento contendere, à BERNARDO, Gregoriane Collectionis Scholiaſte, magnam partem Scho- liorum repetere facilè poterunt. Praefat. ad GREGORIUM III. Bernardus hic notatus, est BERNARDUS Parmensis, præcipius Gregoriane Collectionis Glossator. Idem in eo, quod dicit postea de Quinque veteribus Collectionibus, quodque à JOANNE ANDREÆ filio testatur, se accepisse, aliisque Scriptoribus, illas etiam Glossas veteres commemorat, additque Alanum fecisse Notas in Collectionem Secundam, necnon Archidiaconum & BERNARDUM Compostellanum, PAULUM Hungarum scripsisse Notas in Tertiam, VINCENTIUM in Quartam, JACOBUM ALBANUM, Episcopum Faventini, cuius Discipulus fuit HENRICUS Ostiensis in Quintam: is, quem ROGERIUM vocat, ROBERTUS etiam nuncupabatur.

Doujat Lib. V. Cap. 4. Prænot. Canon. clariſſ loquitur de Glossatoribus singularum Collectionum veterum, duplēcē JACOBUM distinguit; alium, qui Episcopus Faventinus fuit; alterum, qui HENRICI Ostiensis fuit Magister. Hæc duo eidem Viro tribuuntur ab ANTONIO.

Quoniam exeunte Sæculo XVI. quo GREGORIUS XII. Corpus Juris recenseri atque emendari curarunt, magna erat Glossarum existimatio: viri ad hanc emendationem delecti ita Glossæ pepererunt, ut ab omni eisdem abstinerint, que Glossæ intellectui officere potuerint; Vid. eorum Praefat. sub medium Ubi autem illa erravit, id in margine tantum notatum est, Catholicaque Sententia apposita est, ibid. in finem.

C A P U T I I .

Collatio Collectionum CORPORIS JURIS CANONICI cum Collectionibus ANTERIORIBUS tam ORIENTALIBUS, quam OCCIDENTALIBUS.

Am observavimus has Collectiones veteres in Collectiones Corporis Juris translatas fuisse, nosque id probatuimus ex mutuâ illorum Collatione polliciti sumus. Prius autem quam id præstemos, monebimus, eam versari, vel circa Materiam, vel Formam, vel circa Autoritatem, vel circa usum aut utilitatem, quæ ex iis percipi posset, vel circa Rubricas, aut Summas, aut Glossas. Cùm autem ea, quæ scitu necessaria sunt, de Collectionibus Corporis Juris, quoad hæc omnia Capita, exposita jam fuerint; supereft, ut ad reliquias Collectiones pergamus, quas primùm In globo, tūm seorsim perpendemus. Quid ad cognitionem Juris veteris ac novi, utriusque Ecclesiæ Grecaæ & Latinae, Orientalis atque Occidentalis cognitionem viam sterneret methodo optimâ, quæ eodem tempore Juris utriusque Communia & Singularia, via & perfectiones; uno verbo, mutuæ unius in aliud præferentia causa notabuntur.

Generatim dicimus 1. Plerasque Collectiones veteres extare in Bibliothecâ Juris veteris Canonici; ceteræ seorsim excuse sunt, ut REGINO, BURCHARDUS, Ivo; vel collectæ à LEUNCLARIO, in Duobus Tomis Juris Greco-Romani, tam Canonici quam Civilis, de quibus fusi agitur Lib. III. Prænot. Canon. De præcipuis etiam loquitur FLOrens in Dissertatione de Origine Juris Canonici. Ex iis Operibus institutam hic Collectionem excerpimus.

2. Quemadmodum Collectiones, è quibus Juris Corpus coalescit, dividuntur in Majores & Minores. Majores sunt DCRETUM Gratiani & Collectio GREGORII IX. Minores sunt SEXTUS, CLEMENTINÆ, EXTRAVAGANTES JOANNIS XXII. EXTRAVAG. COMMUNES; ita veteres Collectiones dividi possunt in Majores & Minores; Majores sunt Collectiones PSEUDO-ISIDORI, RGINONIS, BURCHARDI, IVONIS Carnotensis; Minores sunt Collectio MARTINI Braccarense, Panitentia THEODORI Cantuariensis, BEDÆ, EGBERTI, RABANI, & Panitentiale Romanum.

Hæ Collectiones Minores possunt etiam dici Col-

lectiones Particulares, idèò, quod ad argumentum particolare restringuntur, Pœnitentiam scilicet. Majores Generales etiam dici possunt, quoniam omnem materiam Canonicam complectuntur.

3. Collectiones Gratiano posteriores juxta utrumque Temporum & Argumentorum ordinem dispositæ sunt, in plerisque Orientalibus. Hic duplex Ordo servatus est; ordo Argumentorum in serie Titularum; ordo Temporum in serie Canonum sub unoquoque Titulo collocatorum.

4. Nulla est Collectio Corporis Juris, in quâ solus Temporum ordo servetur. Hic in plerisque solus obtinet veterum, v. g. in Duabus Collectionibus DIONYSII EXIGUI, aliâ Canonum Conciliorum, aliâ Decretorum Pontificum, & Duabus, quæ DIONYSIUM præcedunt, quarum alia continet omnes Canones Conciliorum Orientalium usque ad Primum Concilium Generale Constantinopolitanum inclusivè; altera eosdem Canones cum Canonibus Conciliorum Ephesini & Calcedonensis; Talis est etiam Collectio Canonum à Concilio Trullanô approbatorum & Epistolarum multorum Patrum Græcorum, cum Canonibus Apostolicis, & Concilii Carthaginensis sub S. CYPRIANO habiti. Inter Collectiones Occidentales, ea, quæ à Pseudo-Isidoro edita fuit, Temporum seriem sequitur.

5. GRÆCI genus Collectionis habent, quo carent LATINI, id scilicet, quod juxta ordinem alphabetum disponitur; Talis est Collectio MATTHÆI BLASTARES, quæ nostrorum Dictionariorum formam habet.

6. E Collectionibus Corporis Juris, quædam auctoritate publicâ possunt, quædam secùs. Inter veteres Occidentales, quædam à Conciliis confirmatae sunt. Talis est CODEX ECCLESIAE AFRICANÆ, Concilium AFRICANUM aut SYNODUS UNIVERSALIS CARTHAGINENSIS dictus, à Concilio Carthaginensi anni 419. approbatus; Talis est Collectio MARTINI BRACCARENSI à Synodo LUCENSI confirmata; Tales sunt Collectiones Canonum in CAPITULARIBUS Regum Gallie collectorum; Tales sunt omnes Collectiones ab Episcopis in usum sua Diocesos facta; ejusmodi sunt in Gallia Collectio HERARDI Turonensis Archiepiscopi, ISAACI Lingonensis, IVONIS Carnotensis & in Germania BURCHARDI WORMACENSIS.

Quædam ejusdem generis habent Græci; talis est ea quæ à JUSTINIANO fuit approbata: talis est Collectio PHOTII, quæ ab Imperatore & Patriarchâ confirmata videtur, quorum iussu BALSAMON Commentarios in eam confecit; talis est etiam ea, quæ SYNODUS CALCEDONENSIS cā utendo confirmasse videtur.

Quædam apud Græcos sunt Collectiones NOMOCANONES dicti, id est, Concordia Legum cum Canonibus. Insigniores sunt ea, quæ JOANNEM Antiochenum, & ea, quæ PHOTIUM Autores habent. Prior in Quinque, Posterior in Quatuordecim Titulos distribuitur. In utraque singulorum Titularum Canonibus Leges congrue subjiciuntur. Nulle sunt ejusmodi Collectiones apud Latinos, quamvis in pluribus Canonibus miscentur; nec enim Leges sub unoquoque Titulo laudantur, sub longè paucioribus Titulis Leges continuâ serie referuntur, Canonibus continuâ pariter serie collectis subjiciuntur.

Græci, sicut & Latini, suppositis Collectiones habent, id est, in integrum, aut ex parte conflatas ex Canonibus aliis, quam suis Autoribus adscriptis. Talis est, apud Græcos, Collectio CANONUM APOLSTOLORUM Canonum LXXXV. continens, falsò S. CLEMENTE attributa; talis apud Latinos Collectio ISIDORI Aericatoris aut Peccatoris, magnam Epistolarum copiam continens Quatuor priorum Sæculorum Pontificibus adscriptarum, nonnullasque subsequentium Sæculorum Pontificibus tributas, cum quibusdam pseudo-Conciliiis. Quarumdam apud utrosque Autor incertus est, quamvis Canones sint legitimi: Talis est,

Græco-